

cačer

**CENTRALNA BANKA  
BOSNE I HERCEGOVINE**  
**Broj: 150-15-4-1145-<sup>13</sup> /20 MM**  
**Sarajevo, 29.07. 2020. godine**

Na osnovu člana 70. stav (1) i (3) Zakona o javnim nabavkama („Službeni glasnik BiH“, 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, člana 13. stav (3), člana 43. stav (1) i člana 45. stav (1) Pravilnika o javnim nabavkama, broj: UV-122-01-1-11/18 RJ od 30. januara 2018. godine, guverner Centralne banke Bosne i Hercegovine donosi

### **O D L U K U**

#### **o izboru najpovoljnijeg ponuđača u postupku javne nabavke usluga - servisiranja autobusa Centralne banke Bosne i Hercegovine - LOT 1**

##### **Član 1.**

Centralna banka Bosne i Hercegovine (u daljnjem tekstu: Centralna banka), ugovor za nabavku usluga servisiranja autobusa - LOT 1, dodjeljuje ponuđaču SLT d.o.o. Sarajevo, u svemu prema ponudi broj: 2705/20 od 27.05.2020. godine, na period od jedne godine.

##### **Član 2.**

Ponuda ponuđača iz člana 1. ove odluke iznosi 14.899,54 KM bez PDV-a (slovima: četrnaest hiljada osam stotina devedesetdevet konvertibilnih maraka i 54/100) odnosno 17.432,46 KM sa uračunatim PDV-om (slovima: sedamnaest hiljada četiristotinetridesetdvije konvertibilne marke i 46/100).

##### **Član 3.**

(1) Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti okvirni sporazum za čije se izvršenje zadužuje Odjeljenje za zajedničke poslove Centralnog ureda Centralne banke Bosne i Hercegovine (u daljem tekstu: Odjeljenje za zajedničke poslove).

##### **Član 4.**

Centralna banka će o rezultatima provedenog postupka javne nabavke obavijestiti ponuđača.

##### **Član 5.**

Za realizaciju ove odluke zadužuju se Odjeljenje za javne nabavke Centralnog ureda Centralne banke Bosne i Hercegovine, Odjeljenje za računovodstvo i finansije Centralnog ureda Centralne banke Bosne i Hercegovine i Odjeljenje za zajedničke poslove.

##### **Član 6.**

Ova Odluka će se objaviti na web stranici Centralne banke [www.cbbh.ba](http://www.cbbh.ba) istovremeno sa upućivanjem obavještenja o rezultatima postupka ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama („Službeni glasnik BiH“, broj: 39/14).

## O b r a z l o ž e n j e

Postupak javne nabavke usluga – servisiranje vozila (specijalno vozilo Iveco i Renault i autobus), otvorenim postupkom, pokrenut je Odlukom, broj: 150-15-4-1145-1/20 MM od 23.04.2020. godine. U skladu s tim, Centralna banka je 11.05.2020. godine na portalu Javnih nabavki objavila Obavještenje o nabavci broj: 1370-1-2-238-3-149/20.

U predviđenom roku za dostavljanje ponuda, do 29.05.2020. godine do 10:00 sati, za LOT 1 blagovremeno je dostavljena ponuda ponuđača SLT d.o.o. Sarajevo.

Komisija nadležna za provođenje postupka javne nabavke (u daljem tekstu: Komisija) je izvršila pregled i ocjenu ponude, te zaključila da pristigla ponuda zadovoljava sve uslove tražene tenderskom dokumentacijom za LOT 1, ali da je vrijednost dostavljene ponude iznad procijenjene vrijednosti nabavke. Zbog toga se Komisija obratila Odjeljenju za javne nabavke da izvrši provjeru sa Odjeljenjem za računovodstvo i finansije i dostavi Komisiji informaciju da li postoji dovoljno sredstava za realizaciju nabavke jer je procijenjena vrijednost nabavke 10.000,00 KM, a cijena pristigle ponude 14.899,54 KM.

Postupajući po upitu Komisije, Odjeljenje za javne nabavke se Upitom obratilo Odjeljenju za računovodstvo i finansije. U svom odgovoru, broj: 123-15-4-1145-12/20 od 30.06.2020. godine, Odjeljenje za računovodstvo i finansije je, između ostalog, navelo da su finansijska sredstva za predmetnu nabavku osigurana u Finansijskom planu Centralne banke Bosne i Hercegovine za 2020. godinu, na poziciji 6. Troškovi službenih vozila.

Navedeni odgovor Odjeljenje za javne nabavke je dostavilo nadležnoj Komisiji, koja je dala preporuku za donošenje odluke o dodjeli ugovora, a što je navedeno u Zapisniku o pregledu i ocjeni ponuda broj: 149-15-4-1289-9/20 i Izvještaju o radu sa preporukom broj: 149-15-4-1289-10/20, oba od 21.07.2020.godine.

Cijeneći sve naprijed iznesene činjenice i okolnosti, odlučeno je kao u dispozitivu ove odluke

### **Pouka o pravnom lijeku:**

Protiv ove odluke može se, u pisanoj formi, uložiti žalba Centralnoj banci Bosne i Hercegovine, u roku od deset dana, od dana dostavljanja ove odluke.

Dostaviti:

- guverneru;
- viceguvernerima;
- Uredu glavnog internog revizora;
- predsjedniku i članovima komisije;
- Odjeljenje za zajedničke poslove
- Odjeljenju za računovodstvo i finansije (original);
- Odjeljenju za javne nabavke (original);
- u spis predmeta (original)

**GUVERNER**  
**dr. Senad Softić**

